

元始无量度人上品經法卷之五

无玄章

道言此諸天中大梵隱語无量之音舊文字皆廣長一丈天真
皇人昔書其文以爲正音

李少微註真一五牙經曰皇人者不知其得道之始也身長
九尺玄毛被體皆長尺餘黃帝時在峨眉山絕陰之下以蒼
玉爲屋黃金爲座張華羅之幡然千和之香侍者仙童玉女
座賓三人皆稱太清仙王黃帝再拜問道授以五牙三一之
文云

玄應章

道藏輯要

度人經法

卷

九集七

有知其音能齋而誦之者諸天皆遣飛天神王下觀其身書其
功勤上奏諸天萬神朝禮地祇侍門大勳魔王保舉上仙

御註有大功德則上帝魔王高真信用保舉此人於太上仙
王之前

道備尅得遊行三界昇入金門

玄師曰知中篇之音齋而誦者獲乎八品福報

此音无所不辟无所不禳无所不度无所不成天真自然之音
也故誦之致飛天下觀上帝遙唱萬神朝禮三界侍軒羣妖束
首鬼精自亡琳琅振響西文十方肅清河海靜默山嶽吞煙萬靈
振伏招集羣仙天无氛穢地无妖塵冥慧洞清大量玄玄也亥文